



БҰЙРЫҚ

30.06.2025 ж.

Астана қаласы

ПРИКАЗ

№ 595-Ө

город Астана

**«Ғылыми техникалық кеңесінің
құрамын және ережесін бекіту туралы»**

«Қазгидромет» РМК кадрлық өзгерістерге байланысты, **БҰЙЫРАМЫН:**

1. Бекітілсін:

1) Осы бұйрыққа 1-қосымшаға сәйкес «Қазгидромет» РМК-ның Ғылыми-техникалық кеңесі туралы Ереже;

2) Осы бұйрыққа 2-қосымшаға сәйкес «Қазгидромет» РМК-ның Ғылыми-техникалық кеңесінің құрамы.

2. «Қазгидромет» РМК Бас директорының 2025 жылғы 3 наурыздағы №276-ө «Ғылыми-техникалық кеңестің құрамы мен ережесін бекіту туралы» бұйрығының күші жойылды деп танылсын.

3. Осы бұйрықтың орындалуын бақылау «Қазгидромет» РМК Бас директорының бірінші орынбасары С.Б. Саировқа жүктелсін.

4. Осы бұйрық қол қойылған күнінен бастап қолданысқа енеді.


Негіздеме: Бас директордың бірінші орынбасары С.Б. Саировтың 2025 жылғы 9 маусымдағы №12-12/90 қызметтік жазбасы.

Бас директордың м.а.

С. Саиров


Келісілді:

Мемлекеттік сатып алу және құқықтық қамтамасыз
ету департаментінің директоры

 А. Касымханова


«30» 06 2025 ж.

Бас бухгалтер

 О. Макатов

«30» 06 2025 ж.

Әкімшілік департаментінің директоры

 Г. Тулебаева

«30» 06 2025 ж.

Приказ № 595-Ө
30.06.2025 г.

**«Об утверждении состава и положения
Научно-технического совета»**

В связи с кадровыми изменениями в РГП «Казгидромет»,
ПРИКАЗЫВАЮ:

1. Утвердить:
 - 1) Положение о Научно-техническом совете РГП «Казгидромет», согласно приложению 1 к настоящему приказу;
 - 2) Состав Научно-технического совета РГП «Казгидромет», согласно приложению 2 к настоящему приказу.
2. Признать утратившим силу приказ Генерального директора РГП «Казгидромет» от 3 марта 2025 года №276-ө «Об утверждении состава и положения о Научно-техническом совете».
3. Контроль за исполнением настоящего приказа возложить на Первого заместителя генерального директора Саирова С.Б.
4. Настоящий приказ вступает в силу со дня его подписания.

Основание: Служебная записка Первого заместителя генерального директора Саирова С.Б. от 9 июня 2025 года № 12-12/90.

И.о. Генерального директора



С. Саиров

«Қазгидромет» РМК
2025 жыл 30.06 № 595-Ө
бұйрығына 1 қосымша

«Қазгидромет» РМК Ғылыми техникалық кеңесі туралы Ереже

1. Жалпы ережелер

1. «Қазгидромет» Республикалық мемлекеттік кәсіпорнының (бұдан әрі - Кәсіпорын) ғылыми – техникалық кеңесі (бұдан әрі – ҒТК) метеорологиялық және гидрологиялық мониторингтер мен қоршаған ортаның жай-күйіне мониторинг жүргізу шеңберінде ғылыми қызметті басқару және ұйымдастыру тиімділігін арттыру мақсатында құрылған консультативтік-кеңесші орган болып табылады.

2. ҒТК өз қызметінде Қазақстан Республикасының 2024 жылғы 1 шілдедегі «Ғылым және технологиялық саясат туралы» Заңын, ғылым және коммерцияландыру саласындағы өзге де нормативтік-заңнамалық актілерді, сондай-ақ Қазгидрометтің Жарғысын, бұйрықтары мен өкімдерін, осы Ережені және оның қызметіне қатысты басқа да нормативтік актілерді басшылыққа алады.

3. Осы Ереже Кәсіпорынның ҒТК жұмысын ұйымдастыру тәртібі мен өкілеттіктерін айқындайды..

2. ҒТК құрамы мен құрылымы

4. ҒТК құрамына төраға, Кәсіпорын қызметкерлері қатарынан тағайындалатын мүшелер (орталық аппараттың құрылымдық бөлімшелерінің директорлары), сондай-ақ Кәсіпорын қызметкерлері болып табылмайтын мамандар, ғылыми қауымдастық өкілдері, сарапшылар және дауыс беру құқығынсыз хатшы кіреді.

ҒТК төрағасы Кәсіпорынның Бас директоры болып табылады. Оның болмаған жағдайда ҒТК төрағасының міндетін кәсіпорынның ғылыми қызметін қадағалайтын Бас директордың орынбасары атқарады.

ҒТК-ның дербес құрамы Кәсіпорынның Бас директорының бұйрығымен екі жыл мерзімге бекітіледі. Кадрлық өзгерістерге және өзге де объективті себептерге байланысты Кеңес құрамына өзгерістер енгізуге жол беріледі. Құрылымдық бөлімшенің жаңа директоры тағайындалған жағдайда, ол автоматты түрде ҒТК құрамына енгізіледі.

Қажет болған жағдайда ҒТК отырыстарына Кеңес мүшесі болып табылмайтын сарапшылар шақырылуы мүмкін.

3. ҒТК негізгі міндеттері мен функциялары

5. ҒТК негізгі міндеттері:

- 1) Кәсіпорынның қоршаған ортаның жай-күйіне мониторинг жүргізу, метеорологиялық және гидрологиялық мониторингтер саласындағы ғылыми және (немесе) ғылыми-техникалық қызметінің мәселелерін қарастыру, оны жетілдіру жөнінде ұсыныстар әзірлеу;
- 2) Кәсіпорынның ғылыми қызметі бойынша стратегиялық және ағымдағы жоспарларды қарастыру;
- 3) Кәсіпорынның және оның құрылымдық бөлімшелерінің ғылыми, ғылыми-әдістемелік қызметін ұйымдастыруды жетілдіру бойынша ұсыныстарды зерделеу және әзірлеу;
- 4) Кәсіпорынның инновациялық қызметін дамыту мәселелерін қарастыру;
- 5) ғылыми және ғылыми-техникалық қызмет нәтижелерін дәріптеу және насихаттауға қатысу бойынша мәселелерді қарастыру және ұсынымдар әзірлеу, оларды коммерцияландыруға жәрдемдесу;
- 6) бірыңғай мемлекеттік ғылыми-техникалық саясатты қалыптастыруға және іске асыруға қатысу бойынша Кәсіпорынның басқа ғылыми ұйымдармен, жоғары оқу орындарымен, ғылыми қоғамдастықпен өзара іс-қимылы жөніндегі мәселелерді қарастыру;
- 7) халықаралық ғылыми және ғылыми-техникалық ынтымақтастықты дамытуға жәрдемдесу;
- 8) Кәсіпорынның және оның құрылымдық бөлімшелерінің тиімді жұмысы жөнінде ұсыныстар әзірлеу.

6. ҒТК қызметтері:

- 1) ҚР Үкіметі жанындағы Жоғары ғылыми-техникалық комиссия айқындаған ғылыми, ғылыми-техникалық қызмет бағыттарының басым міндеттерін іске асыру мақсатында Қазгидромет қызметінің негізгі бағыттары бойынша ұсынымдарды талқылайды және әзірлейді;
- 2) ғылыми тұжырымдамаларды, ғылыми және (немесе) ғылыми-техникалық даму бағдарламаларына, ғылым саласындағы заңнамалық және өзге де нормативтік актілерге ұсыныстарды қарастырады;
- 3) Кәсіпорынның ғылыми-зерттеу жұмыстарының жоспарларын бекіту және іске асыру, олардың нәтижелерін іс жүзінде іске асыру, ғылыми кадрларды даярлау, ғылыми еңбектерді шығару бойынша ұсынымдарды қарастырады және әзірлейді;
- 4) Кәсіпорынның құрылымдық бөлімшелері басшыларының, жекелеген ғылыми қызметкерлердің ғылыми, ғылыми-ұйымдастырушылық және өндірістік қызметтің нәтижелері бойынша есептерді тыңдайды және бекітеді, кемшіліктерді жою бойынша ұсынымдар әзірлейді;

5) Кәсіпорынның ғылыми қызметін басқаруды жетілдіру бойынша мәселелерді талқылайды және ұсынымдар шығарады;

6) ғылыми кадрларды даярлауға және олардың біліктілігін арттыруға байланысты мәселелерді талқылайды; ғалымдардың ғылыми кадрларды даярлау жөніндегі жұмыстары туралы хабарламаларын жүйелі түрде тыңдайды;

7) ұйымның ғылымды дамытуға үлес қосқан ғылыми қызметкерлеріне ғылыми және құрметті атақтарды беруге кандидатураларды ұсынады;

8) Ұлттық ғылыми кеңестердің құрамына ұсынылатын ғалымдардың кандидатураларын қарастырады;

9) жекелеген авторлар, ұжымдар мен қызметкерлердің ғылыми еңбектерін жариялауға ұсынады.

4. ҒТК мүшелерінің құқықтары мен міндеттері

7. ҒТК мүшелері қоғамдық негізде ҒТК жұмысына қатысады. Кәсіпорын ҒТҚ-ға қатысуға байланысты шығындарды (оның ішінде іссапар шығындарын) төлемейді.

8. ҒТК мүшелерінің төмендегідей құқықтары бар:

1) неғұрлым перспективті зерттеулерді дамыту және тиімсіз жұмыстарды тоқтату туралы ұсыныстар енгізуге;

2) отырыстарда талқыланатын мәселелер бойынша еркін пікір алмасуға;

3) көпшілік қабылдаған ҒТК ұсынымдарымен келіспеген жағдайда талқыланатын мәселе бойынша өз пікірін жазбаша білдіруге.

9. ҒТК мүшелері:

1) ҒТК жұмысына белсенді қатысуға, ҒТК отырыстарына қатысуға, оның ішінде осы Ереженің 13-тармағына сәйкес қашықтан қатысуға;

2) ҒТК төрағасының тапсырмасы бойынша қарастыруға жататын материалдар туралы қорытындылар мен пікірлер беруге;

3) қаралатын мәселелерді талқылау және қорытындылар мен пікірлер дайындау кезінде әдептілік сақтауға міндетті.

5. ҒТК қызметін ұйымдастыру

10. ҒТК қызметінің негізгі нысаны отырыс болып табылады. ҒТК отырыстары қажеттілігіне қарай жиналады, бірақ тоқсанына бір реттен жиі емес.

11. ҒТК жұмыс жоспарын Қазгидрометтің құрылымдық бөлімшелері мен ҒТК мүшелерінің ұсыныстары негізінде ҒТК хатшысы қалыптастырады.

12. ҒТК отырысы, егер оған ҒТК мүшелерінің кемінде үштен екісі қатысса, заңды деп есептеледі.

13. Отырысты өткізу кезінде ҒТК мүшелері үшін бейнеконференц байланыс арқылы онлайн қатысу мүмкіндігі беріледі.

14. ҒТК отырысының күн тәртібінің жобасын хатшы ҒТК жұмыс

жоспарының негізінде құрастырады және отырысқа дейін он жұмыс күнінен кешіктірмей төрағаға бекітуге ұсынады. Бекітілген күн тәртібі мен қосымша материалдарды хатшы ҒТҚ мүшелеріне және мәселені дайындауға жауаптыларға электрондық пошта арқылы үш жұмыс күні ішінде жібереді.

15. Мәселені дайындауға жауапты адам ҒТҚ хатшысына ҒТҚ отырысына дейін он бес күн бұрын төмендегідей материалдарды ұсынуды қамтамасыз етеді:

- 1) баяндаманың тезистері (қаралатын мәселе бойынша қысқаша анықтама);
- 2) ақпараттық-анықтамалық сипаттағы қосымша материалдар (қажет болған жағдайда).

Хатшы ұсынылған материалдарды талдайды, қажет болған жағдайда олардың құрамы мен мазмұнын нақтылайды және оларды ҒТҚ мүшелеріне, қажет болған жағдайда – Кәсіпорын ҒТҚ отырысына шақырылған адамдарға отырыс өткізілгенге дейін бес жұмыс күн бұрын жібереді.

ҒТҚ отырысына қатысушыларға материалдардың уақтылы ұсынылуын бақылауды ҒТҚ төрағасы жүзеге асырады.

6. ҒТҚ шешімдерін қабылдау тәртібі

16. ҒТҚ шешімдері отырысқа қатысып отырған ҒТҚ мүшелерінің көпшілік даусымен қабылданады. Дауыстар тең болған кезде төрағаның дауысы шешуші болып табылады. Шешімдер ашық дауыс беру арқылы қабылданады.

17. ҒТҚ отырысында мәселелерді талқылау нәтижелері ҒТҚ хаттамалық шешімімен ресімделеді.

18. ҒТҚ шешімдері ұсынымдық сипатқа ие және Қазгидромет басшысы бекіткеннен кейін күшіне енеді.

19. ҒТҚ шешімдерін бес күн мерзімде ҒТҚ хатшысы рәсімдейді және ҒТҚ мүшелеріне, Қазгидрометтің тиісті құрылымдық бөлімшелеріне және мүдделі тұлғаларға электрондық пошта арқылы жіберіледі.

«Қазгидромет» РМК
2025 жыл 30.06. № 595-Ө
бұйрығына 2 қосымша

**«Қазгидромет» РМК Ғылыми-техникалық кеңесінің
құрамы**

ҒТК төрағасы

1. Алимбаева
Данара Кизатовна — Бас директор

ҒТК мүшелері, «Қазгидромет» РМК қызметкерлері

2. Саиров
Серик Бияхметович — г.ғ.к., Бас директордың бірінші орынбасары
3. Яфязова
Роза Каюмовна — г.ғ.д., Ғылыми-зерттеу орталығы Селдік процестерді зерттеу және селдерді болжау басқарма бастығы
4. Терехов
Алексей Геннадьевич — г.ғ.к., Ғылыми-зерттеу орталығы Метеорологиялық зерттеулер және есептеулер басқармасының жетекші ғылыми қызметкері
5. Тілләкәрім Тұрсын
Адамбекқызы — Ph.D, Ғылыми-зерттеу орталығы директоры
6. Серікбай Нұрғалым
Тәжібайұлы — Гидрология департаменті директоры
7. Ташкенбаева Сауле
Канатовна — Экологиялық мониторинг департаменті директоры
8. Лоенко Нонна
Михайловна — Агрометеорологиялық мониторинг және болжамдар департаменті директоры
9. Шабданов Алмас
Казиахметович — Метеорология департаменті директоры
10. Шмидт Марина
Эвальдовна — Гидрометорталық директоры

ҒТК мүшелері (келісім бойынша)

- | | | | |
|-----|-----------------------------------|---|---|
| 11. | Кауазов
Азамат Маратович | — | г.ғ.к., «әл-Фараби атындағы Қазақ ұлттық университеті» КЕАҚ география және табиғатты пайдалану факультетінің метеорология және гидрология кафедрасының аға оқытушысы, Орталық Азияның аймақтық экологиялық орталығы Климаттың өзгеруі жөніндегі Орталық Азия конференциясының үйлестірушісі |
| 12. | Кушникова
Людмила Борисовна | — | г.ғ.к., «Қазгидромет» РМК Шығыс Қазақстан және Абай облыстары бойынша филиалының сапасы бойынша кешенді зертханасының жетекші инженері |
| 13. | Мадиеков
Азамат Сансызбаевич | — | Ph.D., доцент, «География және су қауіпсіздігі институты» АҚ гидрохимия және экологиялық токсикология зертханасының басшысы |
| 14. | Маштаева Шамшагуль
Ибрагимовна | — | г.ғ.к., «әл-Фараби атындағы Қазақ ұлттық университеті» КЕАҚ «Экология және биоресурстардың тұрақтылығы» ҒЗИ аға ғылыми қызметкері, география және табиғатты пайдалану факультетінің метеорология және гидрология кафедрасының оқытушысы |
| 15. | Нысанбаева
Айман Сагынбаевна | — | г.ғ.к., доцент, «әл-Фараби атындағы Қазақ ұлттық университеті» КЕАҚ география және табиғатты пайдалану факультетінің метеорология және гидрология кафедрасының меңгерушісі <i>(келісім бойынша)</i> |

ҒТК хатшысы

- | | | | |
|-----|-------------------------------------|---|---|
| 16. | Кужагельдина
Нурайлы Уралбековна | — | Ғылыми-зерттеу орталығының Климаттық зерттеулер басқармасының басшысы |
|-----|-------------------------------------|---|---|